

杭州時輪金剛法會大事記


月六年三國民

贈 蓮 文 錢

館書圖平北立國

杭州時輪金剛法會大事記

(一) 甲戌三月二十一日由杭州市政



轉來上海段芝泉許靜仁王一亭諸
先生電推舉張暄初王薌泉金潤泉
與余等為該會理事。上海總辦事處
並推代表趙炎午錢鏡平陶叔惠高
子白陳圓白諸先生來杭。會同籌備
一切。即晚公宴各代表。並邀請杭垣
士紳。在功德林聚餐。席間討論籌備

事宜。並推舉辦事人員。分途進行。此
法會之開始也。

(二)時輪金剛。乃西藏黃衣派密宗。無上
瑜伽五大金剛之一。而班彈額爾
德尼大師。則黃衣派之宗主也。自東
北淪陷。西北邊陲。關係至重。苟失西
藏。即無西北。大師為西藏政教之
領袖。發願宏宣教旨於東南各省。今
既惠然肯來。自當隆重歡迎。以聯藏
人之感情。此啓建法會之所由來也。

(三) 金剛法會。曾在北平舉行一次。故熟手有人。已分電派人來杭襄助。而在杭人士多係生手。幸進行努力。半月餘。即將各事辦有頭緒。尤以壇城一再修改。頗費時間。但亦能如期告成。會場設在靈隱寺。搭蓋天篷。遍以黃布結綵。布置井井有條。規模極為宏敞。而寶座係在杭新製者。華麗莊嚴。令人起敬。

(四) 班禪大師駐錫南京。約定俟杭州法

會布置齊備。方來杭。同人見各事已妥。開會推舉代表。赴京歡迎。始推張前省長暄。初張先生憚於遠行。於是公推余一行。又加推陸竹銘君同往。遂於四月二十二日由杭繞滬赴京。歡迎。二十三日往晤南京事務所褚民誼先生。即由褚先生偕同余等往謁班禪大師。陳明來京歡迎之意。大師對於代表等。親加慰問。余等詢及大師起節日期及人數。大

師云俟安欽佛到京。即可定期。晚間招待所來電話云安欽佛已抵京。大師准二十五日往湯山住宿。二十六日早由湯山赴杭。余等當將情形電知杭州事務所。二十五日午刻銓敘部部长林翔。行政院秘書長褚民誼。兩先生公宴。大師安欽佛。丁吉佛。黃慕松。專使。居正。院長。及余等六十餘人。餐畢合攝一影。留作紀念。是日下午余等先到湯山。寓陶廬。大

師晚到。寓戴院長別墅。余等往謁。聲
明次早先行。以便沿途預備招待。

(五)

二十六日早。余等於五點半鐘乘汽
車。由京杭國道先行。見沿途各縣民
衆均欲瞻仰。大師顏色矜候於道。
尤以宜興縣布置最為隆重。除軍樂
隊外。並於各橋樑分飭兵士站崗。余
等到宜時。人山人海。見余等車上有
黃色旗。以為大師均到。即阻車前
行。民衆趨前觀之。余即下車。向大衆

宣言。大師車在後。遲一點鐘方到。余等之車始突出重圍。行抵長興縣。大雨傾盆。民衆更多。踰候於雨中不散。守見大師顏色。人心之誠可知。余等知大師不便在長興午飯。天雨人衆無處停留。即趕赴吳興站。電知杭州事務所速備餐俟。大師到杭即可進膳。余等抵武林門雨已止。見各界及民衆均在此作盛大之歡迎。大師到後即向各界及各團體。

代表點首為禮。片刻即赴靈隱寺。各寺僧徒人等在寺前排列歡迎者尤衆。大師赴朱莊行轅駐錫。朱莊距靈隱寺甚近。

(六) 二十七日 大師休息一日。二十八日 大師講經。並親登大殿外之寶座。而善信皆繞坐於四周。約壹萬餘人。大師演講。由祕書劉家駒繙譯。滔滔不絕。聽者均聚精會神。二十九日 民衆以為是日 大師亦必出登

寶座。孰只在內壇誦經。他人不得輕入。民衆瞻仰心切。聚衆要求。入內見大師。其勢不可止。旋由前財政次長張詠霓先生向余言。速請大師出殿外一行。俾大衆一見了其心願。當時余為護壇理事。即報告理事會。張暄初理事亦以請。大師出殿為然。於是余等向大師言明情形。託大作尼堪布轉譯。大師即出殿。向大衆合十游行一周。民衆皆得瞻仰。

歡呼而散。是日到會者。內外約有兩萬人。得未鬧出事故。亦云幸矣。

(七) 大師隨法諸堪布喇嘛。於壇城上。積極繪畫。又以各色寶石粉撒布。其器具係一漏斗式之銅管。如牛角形。下端極狹。幾如天衣無縫。上端較大。盛粉其中。一手以銅匙輕輕摩擦。其粉受振動。微微漏下。工程頗為細巧。如是逐日工作。凡歷九日始告完成。壇之正中。為東西南北若干方城。外為

星宿標幟。及其他天神標幟。此外有
四重圓輪。表地水風火四大之形。地
黃。水白。火紅。風黑。四方各有一門。每
門有三層。北方為白色。南方為紅色。
西方為金色。東方為黑色。每門有守
衛主神一。總共全壇有一百四十四
個守衛神。五顏六色。極為莊嚴。中外
來賓。無人不稱奇也。

(八) 安欽佛暨丁吉佛。於五月七日由京
蒞杭。駐錫中天竺延壽山房。安欽呼

圖克圖。為班禪教下第一佛子。名德威望。除班禪達賴外。全藏莫與比倫。安欽佛因杭州啓建時。輪金剛法會。約同歡迎。班禪大師回藏之代表。丁吉佛來杭。參加法會。安欽佛於擅長密法之外。兼具政治之才。上年曾奉班禪大師派充代表回藏。與達賴商議藏政。往返四萬里。經時一年。甫於日前至京。覆命。余與護壇理事冉子鳳陳孟平兩先生。同往謁之。安

欽佛能華語甚謙恭。坐談半時始出。安欽佛丁吉佛來杭。預備參加十三日至十五日。正式灌頂典禮。可謂諸佛咸集也。

(九)五月十三至十五日。舉行正灌頂儀軌。種類有六。(一)寶瓶灌頂。(二)鈴灌頂。(三)杵灌頂。(四)佛冠灌頂。(五)玉冠灌頂。(六)名冠灌頂。得此種灌頂。今生可獲無量福壽。來生往西方淨土。香拔拉國。此三日灌頂。應

着菩薩衣。除由北方借來百餘套外。又由個人在杭新置若干套。因自置之衣。可以自留。即可作為將來壽衣。余亦置一套。查是日灌頂之人甚衆。如戴季陶。院長夫婦。林璧予。王一亭。王曉籟。張嘯林。杜月笙。湯住心。柏烈武。趙炎午。屈文六。吳濂白。馮仰山。陳圓白。史量才等。共一百餘人。寶座前幾無容膝之地。本會終了。又由屈文六。王悅山兩理事發起。請求大師

祕密灌頂。在朱莊。大師行轅舉行各項祕密灌頂一次。又有數十人。余亦參加。可謂應有盡有也。

(十) 大師由四月二十八日開壇以來。截至五月十五日止。法事已圓滿。十六日休息。十七日再為薦亡延生者。燒送護謨。十八日送壇城。是日上午。大師入內壇誦經。下午舉行恭送壇城儀式。由峒崆堪布等。將壇城粉拂去。此奇巧美妙華奐之作品。遂脫離

人間。返歸佛土。堪布等用袋盛粉。若干。以鼓樂恭送至三潭印月。第一潭水中。余與陶叔惠。冉子鳳。兩理事。隨同恭送之。金剛法會。於是告終。班禪大師。旋由上海吳市長請求。赴滬講經。同人赴城站。恭送如儀。

中華民國二十三年歲次甲戌秋日廣
德錢文選士青甫記於杭州上天竺
竺白雲窩

2
83/503

83/503

0.10